



LIBUŠKA AMBASADA U BOSNI I HERCEGOVINI TVRDI DA JE OŠTEĆENA

Na provjeri liječenje ranjenika iz Libije

U. VUKIĆ

SARAJEVO - Državna agencija za istrage i zaštitu BiH (SIPA) po prijavi Ambasade Libije u BiH provjerava poslove u vezi sa liječenjem ranjenika iz Libije u sportsko-rekreativnom kompleksu "Reumal" iz Fojnice.

U SIPA nam je potvrđeno da se ne radi o klasičnoj istrazi, već samo o provjerama po prijavi Ambasade Libije u BiH koja tvrdi da joj je na kraju prošle godine sa računa skinuto nešto malo manje od 700.000 KM zbog neplaćenih

faktura za liječenje ranjenika.

Iz ove ambasade optužili su Alija Amiša, direktora Komiteta za ranjenike, inače Libijca sa državljanstvom BiH, da je zlo-

upotrijebio svoj položaj i pečat, a koji je bio glavni u poslovima liječenja ranjenika iz Libije u BiH.

Kako nezvanično saznajemo, SIPA je još ranije istraživala liječenje ranjenika iz Libije u BiH i to u smislu da se među tim ranjenicima nalaze borci Islamske države, međutim to nikada nije utvrđeno.

Podsjećanja radi, Predsjedništvo BiH polovinom novembra 2011. godine donijelo je odluku o prihvatanju određenog broja ranjenika, libijskih državljana na liječenje i rehabilitaciju u BiH. Odluka je donesena na

**AMBASADA PRUJAVILA
DA JOJ JE SA RAČUNA
SKINUTO NEŠTO MALO
MANJE OD 700.000
KM ZBOG NEPLAĆENIH
FAKTURA ZA
LIJEČENJE RANJENIKA**



molbu Ambasade Libije u BiH, a Predsjedništvo BiH tom prilikom je zatražilo od Savjeta ministara BiH da hitno izvrši pripreme za njihov dolazak u BiH i prihvata u zdravstvene ustanove, što je na kraju učinjeno. Nadležna ministarstva izvršila su sve neophodne pripreme za izdavanje viza kao i odluke o oslobađanju plaćanja viza za ranjenike

koji dolaze iz Libije koji su ubrzo nakon toga počeli dolaziti u zdravstvene ustanove u BiH i banjske centre. Inače, Vlada Libije obavezala se na plaćanje svih troškova liječenja i rehabilitacije libijskim građanima.

Pokušali smo da dobijemo komentar i iz "Reumala", ali nam je rečeno da je direktor odsutan do ponedjeljka.